

Abaziens

Van Wikipedia

Dit artikel is gesjreve (of begós) in 't Mofers. Laes hie wie v'r mit de versjillende saorte Limburgs ómgaon.

't **Abaziens** of **Abaza** is 'n Naord-Kaukasische spraok die gekaldj wuurtj in Karatsjaj-Tsjerkessië in Röslandj, in 't Distrik Abazinski. De spraok wuurtj gekaldj door zoea 37.800 luuj in Röslandj (2010), oet 'n etnische bevolking van 43.300 (2010) en mit 'n ganse bevolking van 47.880 in alle lenj. De spraok haet de ISO 639-3 code *abq*.

't Abaziens hètj ouch waal *Abazintsy*, *Ahuwa* of *Ashuwa*. Versjillige dialekte zeen *Ashkaraua* (*Ashkar*, *Ashxar*), *Bezshagh* en *Tapanta*. Sómmige hievan zeen gedeildjelijk verstaonbaar mit 't Abchazisch. De spraekers zeen euverwaegendj islamitisch.

't Abaziens is 'n SOV-spraok en haet ergatief-absolutief-congruentie bie 't wirkwaord.

In Röslandj wuurtj de spraok mit 't Cyrillisch sjrif gesjreve. 't Guuef ouch gezètte, radioprogramma's, tillevis en waordebeuk. 't Is de ieëste spraok veur 95% vanne Abaziene; 70% van häör gebroek ouch Rössisch.

In Törkieë laef de spraok minder es in Röslandj, mer 't guuef dao toch nag 10.000 spraekers (1995). In Törkieë wuurtj 't Abaziens in 't Letiens sjrif gesjreve. De spraekers kalle dao ouch Törks.

De spraokstatus veur dees spraok is óntwikkelandj (5); det beteikentj det de spraok laevetig is en det litteratuur in 'n gestanderdiseerdje vorm gebroek wuurtj door sómmige, meh det is nag neet wiedversprèdj of haadbaar.

Classificatie

- Naord-Kaukasisch
 - Wès-Kaukasisch
 - Abchazisch-Abaziens

Brón

- Ethnologue (<http://www.ethnologue.com/language/abq>).
-

Aafkomstig van Wikipedia, de Vriej Encyclopedie. "<https://li.wikipedia.org/w/index.php?title=Abaziens&oldid=415223>"

Dees pazjena is 't lèts verangerd op 31 mei 2017, 12:00.

De teks is besjikbaar ónger de Creative Commons Naomsvermelding/Geliek Deile licentie. 't Is mäögelik dat aanvöllende veurwaarde van toepassing zeen. Betrach de Algemein veurwaarde veur mie informatie.